

INUIT ATAQATIGIIT

Inatsisartuni



17.09.2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

- 1. Naalackersuisut ammaffigaat aatsitassat qinngorneqarpallaat pineqartillugit 0-tolerancep atuuteqqilernissaa?**
- 2. Illoqarfinni inoqarfinnilu qanippallaamik, tassa, 6 km-terinik qanissusilimmi aatsitassanik peqqissutsimik akornutaasinnaasunik akulinnik ingerlatsisoqannginnissaa Naalackersuisut qulakkeersinnaavaat?**
- 3. Uran-imik piiiaaffiginiarneqartoq pillugu Naalackersuisut akuersilersaarpat?**
- 4. Ilumoorpa Naalackersuisut Kuannersuarni aatsitassarsiorfissamik ammaassinissaq siunertaralugu suliamik ingerlatsisut?**
- 5. Innuttaasut illuinnaasiunngitsumik uran pillugu paasissutissinneqarnissaat Naalackersuisut qulakkeerniarpaat?**
- 6. Naalackersuisut isumaat malillugu aamma ilisimatuussutsikkut misissuisut sulinerminni suut Kuannersuarni piiiaanissami mianersornartutut nalilersinnaavaat?**

(Inatsisartunut ilaasortaq Aqqaluaq B. Egede, Inuit Ataqatigiit)

Tunggavilersuut:

Apeqquqteqaatit ingerlatitakka Inatsisartuni ilaasortatut sulininni akineqarnissaat pisariaqartutut isigaara. Paasissutissat pingaarutillit Naalackersuisoqarfimmut apuunneqarsimasut paasitinneqarpugut. Tamannali inuiaqatigiinni ilisimatitsissutitut paasissutissiinernilluunniit suli kinguneqarsimangilaq. Taamaammat Naalackersuisut politikkikkut sumut killiffeqarnerat paasissallugu pisariaqarpoq.

Kissaatigivara apeqqutiga ullut suliffiusut qulit qaangiutinnginneranni akineqarnissaat.